

東錢湖志

地 727.66

75.91

125



東錢湖志

丙辰初刊本

序

四明水利江海而外莫大於東錢湖昔人論之詳矣顧自唐以來未有專書湖亦日就淤淺此豈盡由於財力之不贍哉凡人之情不親履其地則無由觸發其好義之心杭之西湖以名勝聞天下其屢淤屢濬若一池沼之易固由於山明水秀所致亦以密邇會城日爲士大夫之所聞見故費易集而功易成也東錢湖之風景殆不減於西湖然距城稍遠萬山圍繞遊跡之所罕至故雖有人焉倡議疏濬而應者寥寥湖工之不能興何有於湖志其相因而及

東錢湖志

卷一 序

固自然之勢歟光緒季年鄞邑忻君錦崖銳意濬湖久而未就易世之後吾邑陳君協中助以巨資別出白金若干爲纂志之用於是忻君募集工役先濬梅湖卽於湖工局內附設志局延陸珠浦澍咸戴霽蒸彥分任編輯而以余嘗往來湖上於湖事粗有建白俾總其成余固辭不獲爲發凡起例以先之及梅湖之工甫竣而陳君謝世余亦病甚不能與陸戴二君時相商榷深懼湖志廢於半途無以酬陳君之意會忻君督促再三復延董莘夫淵就已編者詳加詮次分爲四卷付諸手民其有缺失俟後人訂正焉

嗚呼滄海之大且變爲桑田何有於區區之一湖而是湖
賴忻君之苦心佐以陳君之毅力梅湖一帶向之菱葑彌
望者今已一碧如洗大湖間有淤墊尙不至如梅湖之甚
而自梅湖濬後湖水盡趨下流雖欲不濬全湖而不可得
如爲山然未成者固不第一簣而忻君方進而不止陳君
未竟之志有不藉以告慰者乎抑忻君之於陳君所謂曠
世一遇者而濬湖之舉必廣續不已乃能衍其利於無窮
湖固遠於城而是編蒼萃衆說俾覽者如親履其地而觸
發其好義之心吾知陳君雖往當有如陳君者接踵而起

東錢湖志

卷一 序

二

東錢之水將與杭之西湖永在人間不至爲廣德湖之續
然則湖志之成尙亦他日湖工之先導也歟

民國四年乙卯季夏前翰林院侍讀鎮海王榮商

序

民以食爲天而農以水爲命田而不水雖后稷無所施其功此六府養民所以首水而終穀也東錢湖之水雨則瀦之旱則放之以漑三縣八鄉千百頃之田其有關於水利者甚鉅歷來郡邑志非不提其綱而挈其要求其窮搜廣輯勒爲全書者蓋罕有觀焉曩吾邑忻君錦崖憫湖之菱葑土淤日就堙塞也若疾痛之在身號呼而奔走者二十一年會蛟川陳君協中聞而壯之慨然出巨貲以倡旣議先濬梅湖集徒役以興工矣忻君念湖工之未竟與經始之

東錢湖志

序

一

不易恐其久而莫考也乃復力勸陳君倡議此豈無所爲而前哉夫前事之不忘後事之師也原陳君纂志之意詎惟是陶公釣磯余相書樓紀名勝而侈風景云爾哉夫亦謂湖自建置以來開濬不一唐之陸令宋之李守尙已踵其後者荆公魏王功用並著迨程胡兩劄邱氏入議出濬湖之法於是大備不有專志以輯之後之人欲從事湖工其曷以動景仰之忱而奉遵循之矩陳君之用意何其周且詳也惜乎設局分編未及成書而陳君遽賫志以歿使其尙存必能募集衆貲大舉興修以竟周圍八十里全湖

之功其所浚治豈僅梅湖一隅而已耶又豈僅湖志之告成而已耶雖然人之欲善誰不如我陳君往矣陳君之熱心公益固人之所同具也吾知此志一出觀感觸發之餘必有急公好義如陳君其人者汲汲焉起而肩其任全湖之功拭目可俟此則陳君纂修湖志之隱願也此又余表揚一人以風厲舉世之微意也是編爲卷凡四爲門十有六徵引旣博體例尤精分而纂者陸君珠浦戴君霽蓀也參而訂者董君莘夫也始焉起其例終焉總其成則友萊王侍讀尤有功於斯志者刊旣竣諸君子以余嘗贊斯舉

東錢湖志

序

二

屬一言弁諸首余乃舉平日所願焉未逮者具道其冀倖之私以著於篇且以告當世之留心湖事者時丙辰孟夏月鄞林景綬

序

甲寅之春濬東錢湖工既竣忻君錦崖爰聘諸名士纂修東錢湖志誌不忘也將以開雕而求序於余曰崖也經營二十年奔走四千里重繭百舍不停墨翟之車瘖口嚅音幾做張儀之舌今幸逢陳君協中傾囊相助克底於成豈惟崖一人受其賜亦三縣八鄉之民所同聲而禱祝者矣然不昭示來許垂諸簡編則恐歲遠年湮將至數典而忘祖郢從燕說或且誤會而生疑此崖商請陳君所以復請撥款而有東錢湖志之修也余矍然起曰甚矣哉君之好

東錢湖志

序

一

義也湖東錢湖之淤積數百年矣陸南金之開廣在唐天寶之年李夷庚之重修乃宋天禧之歲由是以降渺有所聞今君手無斧柯位非牧守而能遠紹前列惠逮斯民君之功豈在二人後乎抑吾聞之志之爲體史也非關史事則委瑣而無文志之爲用傳也非有傳人則寥落而寡趣故天文有志地理有志所以明災祥詳沿革也禮樂有志藝文有志所以徵文獻稽掌故也他若西湖勝蹟五岳奇圖天台赤城之霞標燕都金臺之夕照英雄託迹人傑地靈名士隱居山明山秀志之亦宜也若東錢湖者名不越

於桑梓風不採於輶軒僻在鄉隅遠離都會胡爲有志哉
然吾之意則別有在也蓋聞非常之元黎民所懼處事之
道毅力爲難况今國步多艱外患孔亟宣明大吏思煥發
夫新猷蠻語參軍競研究於西學莫不譏老成爲迂闊視
陂澤爲緩圖而君也不恤人言獨斷己志愚公移山之願
至老而彌堅精衛填海之心矢死而靡忒叩帝閭而請命
不惕黑頭爰立之威蹈焦原而忘身甘蹈赤舌燒城之禍
卒至孚能及物誠可格天得告巨功旋償夙願君之遇雖
蹇君之功可傳矣雖然無人倡之事將誰任無財仗之績

東錢湖志

序

二

用勿成假令忻君託鉢天涯發棠莫許呼助將伯充耳不
聞雖具媯皇煉石之心而天難補恨卽奮五丁鑿險之力
而道無由通亦惟有蹭蹬窮途徘徊歧路爲阮籍之悲效
賈生之哭而已幸也慶逢知己猥藉大援毀子文之家紆
救時亟踐季布之約慨輸巨金遂得芟刈菱葑疏通淤塞
俾農人皆有喜色使旱魃亦爲失威陳君之功曷可忘哉
然則此志之作謂關史事可也謂誌傳人亦可也或者曰
鄭谷之鑿渠必求工竟賈逵之治水盜輟中途今所濬者
不過梅湖一隅耳於全湖則未也非猶掘九仞之井而不

及於泉虧一簣之山而未竣其事乎不知長離去而宛虹
來曜靈淪而望舒睇銅山東響洛鐘西應有開於先斯承
於後故邗溝吳國而運河之成待隋元湖築白堤而塘工
之完俟蘇軾召父杜母如叶壘篋蕭規曹隨若承堂構必
有繼之猶何嘗焉今修此志用持爲券耳奉化竺士康

東錢湖志

序

東錢湖志目錄

卷一

水利

圖說

山水

塘堰

硨閘湫
關橋壩

湖流

沽利各鄉
都圖附

卷二

名勝

祠廟

古蹟

金石附

冢墓

寺觀

物產

卷三

文獻

東錢湖志

卷一

目錄

人物

名宦

鄉賢

技藝

貞烈

仙釋

藝文

瑣事附

卷四

工程

澹湖始末

此未成之書宜請通人參訂方可利行

丙辰正月廿六日王榮商識

凡例

一東錢湖舊無專書惟明末知鄞縣事袁州佐存湖錄三篇其中篇爲書東錢湖志後似當時已有作者而其書不傳是編摭拾見聞期於該備以存湖上之掌故

一所引各書皆註於各條之下其新增者亦註之

一是編專紀湖事凡距湖較遠者不錄

一光緒鄞縣志紀湖事頗詳是編采取最多仍參攷原書酌量增損庶不至貽稗販之譏

一湖上各家譜牘均次攷證擇其可信者錄之

東錢湖志

卷一 凡例

一

一列傳以簡要爲主各賢各傳史志已詳是編錄其有關湖事者他事則從其略新立之傳不妨稍詳然亦不宜過於煩瑣

一藝文擇其尤雅者其鄙俚者不錄

一是編首水利次名勝次文獻次工程凡四卷因編輯之人散居各處未能隨時商榷故不免蕪雜之譏討論修飾以俟後之君子

東錢湖志卷一

總纂鎮海王榮商友萊

編輯鄞陸澍咸珠浦

戴彥霽蓀

詮次董淵莘夫

校對忻錦崖愚仙

水利一

東錢湖距都會稍遠游人之所罕至有圖則湖勢所
在一覽瞭然故以各圖冠水利之先圖非說不明各

東錢湖志

卷一

水利一

一

家論說提要鉤元足資考證故以說次之又次爲山
水則湖之本位又次爲塘堰磳閘之屬則湖之周防
又次爲湖水經過之河渠及各鄉灌溉之都督則湖
之下流皆言湖事者所必詳也志水利



水利二 湖說

東錢湖在鄞縣東三十里周圍八十里夏侯曾先地志云

其湖承錢塘水故號錢湖唐天寶三年縣令陸南金開廣

之宋天禧元年郡守李夷庚重修乾道圖經一名萬金湖以其

為利重也在唐曰西湖蓋鄞縣未徙時湖在縣治之西也

寶慶志是湖受七十二溪之水凡有七堰錢堰大堰莫枝堰

高湫堰栗木堰平湖堰梅湖堰乾道圖經水入則蓄雨不時則

啟閘而放之鄞定海今鎮海七鄉之田資其灌溉鄞手界翔鳳陽堂老

界豐樂鄞塘六鄉鎮海崇邱鄉之八里○寶慶志慶歷八年縣令王安石釐復

東錢湖志 卷一 水利二湖說 二

湖界嘉祐中始置硤閘治平元年重修六隄乾道五年守

臣張津乞開菱葑趙伯圭踵其後遣知縣楊布量步畝計

徒傭以費用不貲中輟淳熙四年知縣姚柏復請開湖魏

王愷言於朝大濬之令長史莫濟司馬陳延年往來監視

計開葑二萬一千餘畝魏王劄子然當時所除菱葑未出湖隄

既復填淤嘉定七年提刑程覃攝守捐緡錢置田收租歲

給濬治之費而後來有司奉行不虔田租浸移他用湖益

堙寶慶二年尚書胡榘守郡請於朝得度牒百道米一萬

五千石又濬之懼無以繼奏以贏錢增置田畝令翔鳳鄉

長顧詠之主之分漁戶五百人爲四隅人歲給穀六石隨
麥葑之生則絕其種立管隅一人管隊二十人以轄之縣
丞以時督察仍命提舉常平司董其事自此不雍葑者十
六年淳祐二年郡守陳埜因歲稔農隙令制幹林元晉簽
判石孝廣行買葑之法隨舟大小葑多寡聽其求售交葑
給錢掉舟至者日千餘寶慶志元大德間勢家有以湖爲淺
淀請以捺田若干畝入官租者都水營田分司追斷復爲
湖後鄉民告有司舉行開湖故事拘七鄉有田食利之家
分畝步高下標撥湖葑隨田多寡闊狹俾濬之積葑於塘

東錢湖志

卷一

水利二湖說

三

岸然宿葑春泛冬沉明年復生所行爲具文至正志原置買

葑田畝自元收以入官明因之洪武二十四年耆民陳進

建言水利差官來董其事於農隙之時令七鄉食利之家

出力淘濬雖少除葑草而根在復生况湖上溪澗沙土隨

雨而下久不除則漸成畝畝而上下水田者無慮數千畝

宣德間下水王士華以參政家居因田其中七鄉之民陳

之監司得中止雍正志正德間郡守寇天敘阻屯田之議董

集嘉靖九年甯波衛屯軍復請爲田知縣黃仁山用父老

嚴詭言勘覆不行雍正志魯王監國總兵王之仁又欲廢湖

爲屯知縣袁州佐申阻營弁周某又請但廢梅湖州佐復

移牒力阻蔣學鏞水利攷戶部主事董守諭亦以死爭之得免然

侵湖爲田者日多清順治中故紳陸宇燝復言之乃申厲

禁鮎埼集亭外同治五年鎮海人請於劍河漕鑿山引河以鄞

縣梅湖之下水灌鎮海太邱等鄉巡道史致諤知府邊葆

誠札委玉環同知黃維誥履勘具查鄞鎮兩邑地勢之高

低鎮海通縣錢糧之加減議格不行詳奉總督左宗棠批

示勒石永禁碑立府城隍廟光緒志其後東錢湖淤塞尤甚

光緒十八年鄞人張祖銜建議挑濬是湖與就地紳耆接

東錢湖志 卷一 水利二湖說 四

洽未及興辦而祖銜卒其弟子忻錦崖志師之志歷二十

餘年之久不憚勤勞俾鄞奉鎮三縣八鄉皆得沾水利顧

自古相傳湖水溉三縣七鄉之田錦崖沿流溯源詢於奉

化紳耆知湖水所沾共計一百三十二畝而奉化所屬者

爲金溪鄉故謂之三縣八鄉民國二年鎮海商民陳協中

助以巨資乃於青山寺立湖工局先濬梅湖將以次及於

全湖而協中遽卒錦崖思復合眾力竟其功由是八鄉之

田始不復有旱乾之患矣新

附諸家論說

乾道五年守臣張津奏

東錢湖容受七十二谿方圓廣闊八百頃傍山爲固疊石爲塘八十里自唐天寶三年縣令陸南金開廣之國朝天禧元年郡守李夷庚重修之中有四牐七堰凡遇旱涸開牐放水溉田五十萬畝比因豪民於湖塘淺岸漸次包占種植菱荷障塞湖水紹興十八年雖曾檢舉約束盡罷請佃歲久菱根蔓延滲塞水脈致妨蓄水兼塘岸間有低塌處若不淘濬修築不惟寢失水利兼恐塘埂相繼摧毀乞候農隙趁時開鑿因得土修治埂岸實爲兩便從之

東錢湖志

卷一

水利二湖說

五

淳熙四年判明州趙愷劄子

臣奏照對四明被山帶海山高於田田高於海水有所洩每歲不苦水而苦旱前古因山形有不合處築爲長短塘受澗谷之水七十有二號東錢湖亦號萬金湖唐天寶中鄞縣宰陸南金益浚而廣之其長八十里灌田一百萬餘頃至本朝天禧中守臣李夷庚因舊廢址增築堅固自此七鄉之民雖甚旱而無凶年憂慶歷八年縣令王安石重清湖界嘉祐中始置楔閘至治平元年復修六隄立陸南金李夷庚之祠於隄旁皆有遺蹟又碑刻可攷惟是自治

平元年至今百有餘歲湖浸湮廢菱葑生之至二萬餘畝
瀦水不多舊年於湖內取水灌注田畝一歲凡三次今止
放得一次不能徧及郡人病之乾道五年守臣張津乞開
菱葑得旨依奏趙伯圭踵其後遣知縣楊布量步畝計徒
傭當用錢一十六萬五千八百八十八貫米二萬七千六
百七十八石工役至大費用不貲以故中輟自臣到任恭
承前後所降詔書指揮興修水利今年四月據知鄞縣事
姚柏乞開東湖委長史莫濟司馬陳延年相視基地詢訪
湖邊父老以及士大夫皆以爲當開遂委官量步畝實數

東錢湖志

卷一

水利二湖說

六

具奏以聞在法農田水利並以食利衆戶共力修治合是
民間出財陛下聖慈愛念黎庶爲之出內帑會子五萬貫
義倉米一萬石臣仰體聖意凡用竹木支犒賞搬運菱葑
並用本州錢以佐其費緣其地界闊遠分作四隅差官董
役復選擇士人有心力者相與辦集合莫濟陳延年往來
監視計開葑二萬一千二百一十三畝三角一十六步至
十月三十日畢事但搬運已開菱葑增廣塘岸或積在山
坳更須月餘方得淨盡民間見百餘年積弊一旦掃除無
不稱頌聖德臣亦忻快忭蹈良自慶幸臣本州官吏除長